



**Broj predmeta:** 02-000049/20  
**Broj akta:** 01.1-1141SM-214/20  
**Datum,** 8. 5. 2020.. godine  
**Mjesto,** Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, , broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge od 8.5.2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 8. 5. 2020. godine i z d a j e

**N A R E D B U**  
**O EPIDEMIOLOŠKIM PREPORUKAMA ZA RAD FRIZERSKIH SALONA**  
**ZA VREME TRAJANJA PANDEMIJE COVID-19**

**Član 1.**

Ovom naredbom donose se epidemiološke preporuke u svrhu zaštite korisnika usluga i zaposlenih u frizerskim salonima.

S tim u vezi obavezno je sprovođenje mjera fizičkog distanciranja i dezinfekcije na sledeći način:

1. Zaposleni ili korisnici usluga koji imaju bilo koji od simptoma respiratorne infekcije moraju da odustanu od pružanja i korišćenja frizerskih usluga.
2. Zaposleni i korisnici usluga moraju nositi maske i rukavice. Zaposleni mogu nositi i vizire.
3. Broj korisnika usluga u salonu odrediti tako da na prostoru od najmanje 4 m<sup>2</sup> može biti prisutan samo 1 korisnik usluga odnosno između radnih mjesta poštovati razdaljinu od najmanje 3 metra, po mogućnosti postaviti fiksne ili mobilne paravane od pleksiglasa. Kako bi se sve radne procedure koje zahtevaju kretanje u radnom prostoru mogle sprovoditi sa što većim stepenom bezbjednosti, u radnom prostoru ne smije da boravi više od dvoje korisnika usluga u isto vreme.
4. Prijem korisnika usluga obavljati putem zakazivanja kako bi se ostvarila vremenska distanca između korisnika usluga. Ukoliko i dođe do preklapanja već zakazanih klijenata, novi klijent treba da sačeka ispred salona. Potpuno izbjegavati ustaljenu praksu okupljanja i druženja u salonima.
5. Na ulasku u salon postaviti dezo barijeru.

6. Na ulasku u salon imati dozer za dezinfekciju ruku tj. rukavica korisnika.
7. Posle svake mušterije obaviti dezinfekciju radnog mjesta, stolice, šamponjere za pranje kose, češljeva i pribora koji je korišćen.
8. U toaletima obezbjediti sapune i papirne ubruse i sprovoditi redovnu dezinfekciju površina.
9. Obavljati redovnu dezinfekciju svih radnih površina, podova, ručica i kvaka nekim od preporučenih registrovanih dezinfekcionih sredstava prema priloženom uputstvu proizvođača.
10. Prije prijema i početka rada nove mušterije zaposleni mora obaviti zamjenu rukavica.
11. Za svaku mušteriju koristiti poseban čist peškir koji je prošao pranje na temperaturi od najmanje 60° C.
12. Plašteve za zaštitu kod farbanja i šišanja (bošča) posle svake upotrebe dezinfikovati ili obezbijediti jednokratne zaštitne plašteve.
13. Časopise ukloniti iz salona a korisnici usluga mogu koristiti samo svoje časopise.

## **Član 2.**

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

### **DOSTAVITI:**

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Svim odjeljenjima Vlade (12x)
5. Sekretarijatu Vlade (3x)
6. Odjeljenju za zdravstvo i ostale usluge  
– Pododjeljenju za javno zdravstvo
7. Uredu za upravljanje javnom imovinom Brčko distrikta BiH
8. Uredu gradonačelnika / Inspektorat
9. Policiji Brčko distrikta BiH
10. Članovima Štaba (34x)
11. Ministarstvu sigurnosti BiH, terenski centar Brčko  
- Služba za rad sa strancima, Trg mladih br. 8
12. Ministarstvu sigurnosti BiH – Granična policija BiH
13. Institucijama Brčko distrikta BiH (8x)
14. Crvenom krstu/križu Brčko distrikta BiH
15. Javnim preduzećima, fondovima i Zavodu (7x)
16. „Službenom glasniku Brčko distrikta BiH“
17. Arhivi.

**GRADONAČELNIK**

Mr. sc. Siniša Milić